

"Нұр-Сұлтан қаласының құрметті азаматы" атағын беру Қағидасы туралы" Астана қаласы мәслихатының 2009 жылғы 6 қарашадағы № 257/39-IV шешіміне өзгерістер енгізу туралы

Астана қаласы мәслихатының 2023 жылғы 30 маусымдағы № 46/5-VIII шешімі. Астана қаласының Әділет департаментінде 2023 жылғы 17 шілдеде № 1347-01 болып тіркелді
Астана қаласының мәслихаты ШЕШТІ:

1. "Нұр-Сұлтан қаласының құрметті азаматы" атағын беру Қағидасы туралы" Астана қаласы мәслихатының 2009 жылғы 6 қарашадағы № 257/39-IV шешіміне (Нормативтік құқықтық актілерді мемлекеттік тіркеу тізілімінде № 606 болып тіркелген) мынадай өзгерістер енгізілсін:

көрсетілген шешімнің тақырыбы жаңа редакцияда жазылсын:

"Астана қаласының құрметті азаматы" атағын беру Қағидасы туралы";

көрсетілген шешімнің 1-тармағы жаңа редакцияда жазылсын:

"1. Қоса берілген "Астана қаласының құрметті азаматы" атағын беру Қағидасы бекітілсін.";

көрсетілген шешімге қосымшада оң жақ жоғарғы бұрышы жаңа редакцияда жазылсын:

"Астана қаласы
мәслихатының
2009 жылғы 6 қарашадағы
№ 257/39-IV шешімімен
бекітілген";

қосымшаның тақырыбы жаңа редакцияда жазылсын:

"Астана қаласының құрметті азаматы" атағын беру Қағидасы";

қосымшаның 1-тармағы жаңа редакцияда жазылсын:

"1. Осы "Астана қаласының құрметті азаматы" атағын беру қағидасы (бұдан әрі – Қағида) "Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасының Заңына сәйкес әзірленген және "Астана қаласының құрметті азаматы" атағын беру тәртібін реттейді.";

қосымшаның 2-тармағының бірінші абзацы жаңа редакцияда жазылсын:

"2. Астана қаласының құрметті азаматы" атағы (бұдан әрі – Атақ):";

қосымшаның 3-тармағы жаңа редакцияда жазылсын:

"3. Атақ Қазақстан Республикасының азаматтарына және шетелдік азаматтарға беріледі. Атақ Астана қаласының аумағында тұрмайтын адамдарға берілуі мүмкін.";

қосымшаның 5-тармағы жаңа редакцияда жазылсын:

"5. Өтінімді Астана қаласының әкімдігі жанындағы Қазақстан Республикасының мемлекеттік наградаларымен марапаттау және "Астана қаласының құрметті азаматы" атағын беру жөніндегі комиссия (бұдан әрі – Комиссия) қарайды.";

қосымшаның 9-тармағы жаңа редакцияда жазылсын:

"9. Комиссия төмендегі шешімдердің біреуін қабылдай алады: өтінімді қанағаттандырады және Астана қаласының әкіміне Атақ беру туралы ұсыным енгізу үшін қалалық мәслихатқа ұсыныс жасайды; өтінімнен бас тартады; өтінімді материалдарды қайта ресімдеу үшін қайтарып бере алады.";

қосымшаның 10-тармағы жаңа редакцияда жазылсын:

"10. Атақты Астана қаласы әкімінің ұсынысы бойынша қалалық мәслихат береді.";

қосымшаның 12-тармағы жаңа редакцияда жазылсын:

"12. Атаққа лайықты адамға Астана қаласының әкімі салтанатты жағдайда Диплом, "Астана қаласының құрметті азаматы" құрметті азаматының Алқасы мен Куәлігін береді.";

қосымшаның 13-тармағы жаңа редакцияда жазылсын:

"13. Құрметті азаматтардың аты-жөні хронологиялық тәртіппен Астана қаласының Құрмет кітабына енгізіледі, ол қалалық мәслихатта тұрақты сақталады. Қоғамдастықтың ұсынысы бойынша олардың аты-жөндері Қазақстан Республикасының заңнамасында қарастырылған тәртіппен қала көшелеріне берілуі мүмкін."

2. Осы шешім оны алғашқы ресми жариялаған күннен кейін он күнтізбелік күн өткен соң қолданысқа енгізіледі.

Астана қаласы мәслихатының төрағасы

Е. Каналимов